

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

BROJ: 51 0 K 157684 24 Kžk

Novi Travnik, 21.05.2024. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudija Darmina Avdić kao predsjednika vijeća, te Vesne Vujica i Lazarele Porić, kao članova vijeća, uz sudjelovanje zapisničara Samre Šiljak, u krivičnom predmetu protiv optuženog S. M., zbog krivičnog djela Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH, nakon usmenog i javnog pretresa pred apelacionim vijećem održanog u prisustvu optuženog S. M. i njegovog branitelja po službenoj dužnosti Adisa Ribić, advokata iz Travnika, kao i kantonalne tužiteljice Milice Đotlo, donio je i dana 21.05.2024.godine u odsustvu uredno obaviještenih stranaka i branitelja optuženog, javno objavio slijedeću:

PRESUDU

Optuženi S. M. sin R. i majke D. rođene V., rođen ... godine u Travniku, nastanjen u N. B. bb u Travniku, Hrvat, državljanin BiH i RH, JMBG: ..., neoženjen, pismen, završena SSS, po zanimanju automehaničar i bravar, vojsku odslužio u Č., nema čin, nije odlikovan, zaposlen sa prosječnom mjesečnom plaćom od 1.000,00 KM, neosuđivan,

KRIV JE

Što je:

od 01.02.2019 godine do 15.05.2019 godine, na području općina Novi Travnik i Travnik, suprotno odredbi članova 4. i 17. Zakona o sprječavanju i suzbijanju zloupotrebe opojnih droga (Službeni glasnik BiH broj 8/06), neovlašteno prodavao opojnu drogu Cannabis više puta za iznos od po 10,00 KM, 15,00 KM i 20,00 KM većem broju osoba i to: S. B., V. S., S. S. i Ž. P., iako je znao da se radi o opojnoj drogi koja je na osnovu Konvencije o psihotropnim supstancama iz 1971. godine i rješenjem o popisu opojnih droga proglašena opojnom drogom i čiji je promet zabranjen odredbama Zakona o sprječavanju i suzbijanju zloupotrebe opojnih droga, listom opojnih droga i odredbama Zakona o proizvodnji i prometu opojnih droga, na način da se sa navedenim osobama dogovarao za cijenu i količinu opojne droge putem aplikacije viber i messenger koje aplikacije je imao instalirane na mobilnom telefonskom aparatu „Samsung“ model SM-G531F IMEI:... pretplatničkog broja +...,

čime je počinio krivičnog djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH,

pa ga sud na temelju citirane zakonske odredbe, uz primjenu odredbi člana 49, člana 50. tačka b) i člana 51. stav 1. tačka d) istog zakona,

OSUĐUJE  
NA KAZNU ZATVORA U TRAJANJU OD 8 (OSAM) MJESECI

Na temelju člana 238. stav 4. Krivičnog zakona Federacije BiH od optuženog se trajno oduzima opojna droga Cannabis ukupne neto mase 30,912 grama, koja je oduzeta po potvrdama o privremenom oduzimanju predmeta MUP-a Travnik broj 02/3-3-62/19 od 15.05.2019.godine i broj 02/3-3-63/19 od 15.05.2019.godine i ista se po pravosnažnosti presude ima uništiti.

Na temelju člana 78. stav 1. Krivičnog zakona Federacije BiH od optuženog se trajno oduzima mobilni telefonski aparat marke Samsung crno sive boje, koji je oduzet po potvrdi o privremenom oduzimanju predmeta MUP-a Travnik broj 02/3-3-63/19 od 15.05.2019.godine i isti se po pravosnažnosti presude ima uništiti.

Na temelju člana 202. stav 1. Zakona o krivičnom postupku Federacije BiH optuženi se obavezuje da u cijelosti naknadi troškove krivičnog postupka čiju ukupnu visinu će utvrditi prvostepeni sud posebnim rješenjem, pri čemu se paušal određuje u iznosu od 100,00 KM.

Zapisničar  
Samra Šiljak

Predsjednik vijeća  
Darmin Avdić